



Մ Ա Յ Ր Ա Թ Ո Ւ Ո Ւ Մ

Ս. Էջմիածնի Մայր Տաճարի վերանորոգությունը արդեն սկսված լինելով, մեծ թափով առաջ են տարվում աշխատանքները: Տանիքի վերանորոգության հետ միաժամանակ առաջ են տարվում նաև ներսի աշխատանքները: Այժմ վերականգնվում են Նաղաշ Հովնաթանի շուրջ երեք հարյուր տարի առաջ կատարած առաստաղի նկարազարդերը: Աշխատանքները կատարում են որակյալ նկարիչներ՝ հայտնի մասնագետների ցուցմունքներով ու ղեկավարությամբ:

Նորից կառուցվում են վանքի արևելյան և հյուսիսային պատնեշները՝ տաշած ամուր քարերով: Շինարարությանը հսկում են Նրեվանի հայտնի ճարտարապետները, որոնց նախագծով և կատարվում են աշխատանքները:



Նոյեմբերի 7-ին, Հոկտեմբերյան Սոցիալիստական Մեծ ռեվոլյուցիայի 37-րդ տարեդարձի առթիվ, Էջմիածնի Մայր Տաճարում սուրբ պատարագ մատուցվեց: Պատարագիչն էր գերաշնորհ Տ. Սահակ եպիսկոպոսը:

Կառավարական մաղթանքից առաջ սրբազան հայրը քարոզեց, վեր հանելով այն բոլոր հաջողությունները բոլոր բնագավառներում, որ ձեռք են բերվել 37 տարում՝ շնորհիվ Սովետական բարեխնամ կառավարության: Վերջում քարոզիչ սրբազանը շնորհավորելով տոնը, մաղթեց ավելի եռանդ ու հաջողություններ՝ գալիք տարեդարձներին:



Նոյեմբերի 19-ին Մայր Աթոռ այցելեց ՍՍՌՄ-ի հետ Ալբանիայի բարեկամության ընկերության ղեկագլխան, գլխավորությամբ Ալբանիայի Ժողովրդական Ռեսպուբլիկայի Միևիտորների խորհրդի նախագահի տեղակալ Մանուշ Մյուֆթիուի:

Դեղեզացիային դիմավորեց Մայր Աթոռ ավագ լուսարար գերաշնորհ Տ. Սահակ եպիսկոպոսը, որը մանրամասն բացատրություններ տվեց հինավուրց Տաճարի մասին: Դեղեզացիայի անդամները մեծ հետաքրքրությամբ ծանոթացան Տաճարին կից եկեղեցա-հնագիտական թանգարանի էքսպոնատների հետ:

Վերջում դեղեզացիայի անդամները իրենց շնորհակալությունները հայտնեցին ու մեկնեցին Նրեան:



Նոյեմբերի 21-ին Մայր Աթոռ այցելեց գերմանական կանանց դեղեզացիան, որի կազմի մեջ էին Գերմանական Դեմոկրատական Ռեսպուբլիկայից և Արևմտյան Գերմանիայից 12 կին:

Դեղեզացիային գլխավորում էր Գերմանիայի կանանց դեմոկրատական միության նախագահ տիկին Իլզե Դիլեն:

Դեղեզացիայի անդամները եղան Մայր Տաճարում, եկեղեցա-հնագիտական թանգարանում, Վհարանում և, իրենց գոհունակությամբ հայտնելուց հետո Սահակ սրբազանին տված բացատրությունների համար, մեկնեցին Նրեան:



Հայ մեծ հասարակական գործիչ Միքայել Նալբանդյանի ծննդյան 125-ամյակի կապակցությամբ Երևանում կայանալիք հոբելյանական տոնակատարությանը մասնակցելու համար ժամանած Հյուրերը, նոյեմբերի 27-ին, այցելեցին Մայր Աթոռ:

Հյուրերի մեջ էին ՍՍՌՄ եղբայրական ռեսպուբլիկաներից զրոգներ և բանաստեղծներ Վ. Կիրպոտինը, Ֆ. Նիզամանը, Գ. Գուլյամը, Ի. Գրիշաշվիլին, Ի. Շիմկուսը, Մ. Իսկանդարովը, Պ. Վալեսկալներ, Ա. Կանիմետովը, Գ.

Չարիկը, Ա. Նուգիսը, Ն. Կորլեյտյանուն, Մ. Ֆետիսովը և ուրիշներ:

Մայր Աթոռում Հյուրերին ընդունեց և բացատրություններ տվեց ավագ լուսարար Սահակ սրբազանը:

Հյուրերից մինը վանքի բակում կարգաց ռուսերեն բանաստեղծություն՝ ձոնված հինավուրց Տաճարին և արժանացավ ընդհանուրի ծափահարության:

Հյուրերը իրենց շնորհակալությունը հայտնելով դերաշնորհ Տ. Սահակ եպիսկոպոսին տված բացատրությունների համար, մեկնեցին Երևան:

